

四川名勝志卷之十一

閬中曹學佺能始著



川北道

保寧府

距省城七百里

領州二縣八

古葭萌地葭萌苴侯名蜀侯之弟也續事始曰葭
茶也蜀人以茶字郡此之謂矣今郡乃唐之保寧
軍亦唐宋以來之閬州也

閬中縣

附郭

秦張儀伐蜀置有閬中縣故城在府治東二十里
白沙鎮是○今城漢末劉璋所築蜀漢巴西守張

四川名勝志

卷之十一

一

飛治此寰宇記云張飛冢在刺史大廳東二十步

高一丈九尺碑曰閬中有張栢侯與張遼書石刻

漢文八分書○方輿勝覽云唐魯王靈夔滕王元

嬰皆鎮是州以衙宇卑陋遂修飾宏大之擬于宮

苑謂之隆苑其後避明皇諱改曰閬苑或謂閬苑

仙有五城十二樓向但有五城而樓尚闕宋德之

為守乃建碧玉樓於衙城之西南隅亦名十二樓

以成閬苑之勝按杜甫詩嘉陵江色何所似石黛

碧玉相因依樓名取此○通志云東樓跨府城上

形製尚古杜詩層城有高樓制古丹雘存迢迢

餘尺豁達開四門○勝覽云閬州江山奇秀聞天下
直前據其會曰南樓滕王元嬰所建宋太守李
獻卿詩云三面江光抱城郭四圍山勢領烟霞馬
鞍嶺上渾如錦繖蓋門前半是花○志云會經樓
在府治將相坊按華陽國志謂巴有將蜀有相東
漢劉璋曾徙巴西郡于此後因有閬苑三學士錦
屏三狀元之盛故以將相名坊樓爲宋元祐中建
置經史子集二萬餘卷蘇軾題額蒲宗孟記○府
廨有治平園黃魯直記云宋治平初太守朱壽昌
築于牙城東文與可嘗爲賦十絕其錦屏閣詩云

四川名勝志

卷之十一

二

茂林斑若錦秀巘矗如屏底處共登覽闌干在杳
冥柳橋云援風誇晚態垂雨怯春寒爲問題芳意
同誰倚畫欄餘不悉錄○名山志云閬中山其山
四合於郡故曰閬中多仙聖遊集之所按卽錦屏
山也在城外嘉陵江南與郡治相對兩峰壁立如
屏又名寶鞍山山上有瑤瑤寺羅漢畫錦西橋三
院後又築閬峰亭以眺望焉宋陸游詩城中飛閣
連危亭處處軒窗對錦屏涉江親到錦屏上却對
城郭如丹青喻汝礪詩暝色輕烟罩郡城漁舟燈
火倒觀星寒山遠水江村暮自在粧成水墨屏□

古咸安志火井令袁天綱題錦屏云此山磨滅英
靈乃絕其下爲海棠溪多植海棠唐張元寶詩寒
食清明倍惘然海棠風落小花鈿如今獨有孤魂
在半落嘉陵半錦川○李膺益州記云閬中盤龍
山南有一石長四十丈高五尺當中有戶有門若
人之掩閉古老以爲王女房按志在城東三里望
如蟠龍之狀後魏盤龍郡以此山名唐貞觀中候
氣者言西南千里外有王氣太宗令人入蜀次閬
中果見山氣葱蔚後鑿破山脉水流如血今號鋸
山咸亨初曾徙閬中縣于此卽今之鋸山關也故
四川名勝志

卷之十一

三

老相傳蟠龍山前袁天綱嘗築臺于此以占天象
○寰宇記云仙穴山在縣東北十里周地圖云靈
山峰多雜樹昔蜀王驚靈登此因名靈山山東南
隅有王女擣練石頂有泉常清冽洞穴懸絕微有
一小徑裁通唐天寶六年敕改爲仙穴山志謂孤
峰峭拔介宋江嘉陵之間上有驚靈墓□元稹八
月六日與僧如展前松滋主簿韋戴同游碧澗寺
賦得扉字引云寺臨蜀江內有碧澗穿注兩廊又
有龍女洞能興雲雨詩中噴字以平聲韻詩云空
澗長江礙鐵圍高低竹樹倚巖扉穿廊玉澗噴紅

旭湧塔金輪接翠微草引風輕馴虎睡洞驅雲人
毒龍歸他生莫忘靈山別峭壁人名後會稀○玉
臺山在城北七里山上有滕王亭柱詩君王臺榭
枕巴山萬丈仙梯尚可攀卽此後有滕王墓古碑
二云閣之第四景爲願神石洞洞虛雙拱密邇王臺
昔滕王建亭于此古人詩文隱隱可辨○東崑在
城東有寺鑿山爲崑宇可容百人○西崑有奪錦
亭與錦屏山相對陸務觀詩奪錦軒中醉倚欄錦
屏蒼翠插雲端平生不喜言爭競付與游人自在
看○南崑有大像山乃唐高士安隱居之所志云

四川名勝志

卷之十一

四

一名台星崑陳堯叟兄弟讀書于此有捧研亭碑
曰天聖九年本路運使司馬池來遊子光侍末云
君實捧硯勾龍亶請以捧研名亭○北崑一名織
蓋山高僧宣什住持乃城中開元寺衲也卽元稹
題樂天詩于壁及文同寄詠澤師竹軒處什公博
通經典魯王出鎮表而異之後居織子山山上無
水以杖叩巖浩然泉湧今爲卓錫泉○喻汝礪漱
玉巖記云自古常言天不負人吾初不甚信曩游
太學不啻六千三百日知古所謂屈原賈誼揚雄
韓愈柳宗元輩亦頗識其面目及得一第則枯冷

羞澁幾笑破人口比來閩中持手板謁上官奔走
匍匐作主簿少府模樣燕居作樂則搖口吻弄語
言以佞貴人而覓所謂舉狀者嗟乎其局促如此
則天果不負人邪然飽聞閩奇山川而賢士大夫
最多亦復把酒自慰一日登錦屏拏舟嘉陵江步
至古星巘徘徊縱觀倚老松臥恠石徃徃摩腹一
咲然是三境之遊須廢吾一日糧吾不得與汝旦
暮相從也惟母丘氏漱王巘近在墻壁外乘輿步
履從小奚奴直謁主人脫衣散髮坐巘腹酌酒賦
詩相與作物外笑樂酒醉發狂卽呼天大叫曰天

四川名勝志

卷之十一

五

乎真不負喻汝礪矣按志汝礪以元豐間知閩中
縣時青苗法行提舉司歛還錢取粟會支軍糧督
趣甚急汝礪以其錢糴糧易鈔而申竟不煩民云
○通志云文城山在城東三十里峰巒聳列林木
葱蒨一峰拔出名玄都壇張道陵授符籙之所○
又二十里爲天目山一名天溪洞金仙公修道處
吳赤烏七年勅置集靈觀唐先天二年改名天目
觀中和二年又改福唐觀杜光庭詩盤空躡翠到
山巔竹殿雲樓勢逼天古洞草深微有路舊碑文
滅不知年八州物象通簷外萬里烟霞在目前

是人間輕舉地何須蓬島訪真仙○嘉陵水一名西漢水又名閬中水周地圖云水源出秦州嘉陵因名嘉陵經閬中即閬中水亦曰渝水譙周三巴記云閬中有渝水竇銳氣喜舞漢高祖樂其猛銳數觀其舞使樂人習之所謂巴渝舞也路史云太昊伏羲氏母華胥居于華胥之渚孕十有二歲而降神生于仇夷長于起城註云所都國有華胥之淵乃閬中渝水地也○宋江源出漢中府舊廉縣經蒼溪縣東流入嘉陵有白水源出階州亂山中至昭化縣北合嘉陵唐鄭谷詩蒼蒼白水下嘉陵

四川名勝志

卷之十一

六

是也漢地理志閬中有彭道將池東西二里南北約五里文緯書識云巴西郡治有彭池大澤四夷述云城西南十里有郭池周約五十畝勝覽云彭池卽今之南池也郭池卽魚池也二地與漢志相符○南池有漢高祖廟杜詩崢嶸巴閬間所向盡山谷安知有蒼池萬頃浸坤軸劍南詩藁云唐長慶中南池新亭碑在高帝廟側○零星池在縣西北四里益部耆舊傳趙瑤爲閬中令時西州遭旱瑤率掾吏齋戒於零星池歸咎自責稽首流血庶時大雨○侯鯖錄云閬州有三雅池昔有人于北

池得三銅器狀如杯盞上各有篆字一曰伯雅二
曰仲雅三曰季雅按魏文典論云靈帝求斗酒直
萬錢劉表一子好飲乃製三爵大曰伯雅注一斗
次曰仲雅注七升小曰季雅注五升今池所得乃
劉氏酒器也○通志云城東百二十步有譙玄廟
漢書玄字君黃閬中人少好學能談春秋成帝時
拜議郎歷奉谷令後舉繡衣使者王莽居攝易姓
名竄歸公孫述僭號連聘不起予毒藥將服之其
子瑛盡捐家貲錢以贖建武十一年卒光武赦所
在還玄家財策詔本郡祠以中牢○古碑云汝南
四川名勝志

卷之十一

七

今神道闕在閬中縣未著人代郡守張晦辨云於
東面得隸字十有二缺不可識有七○輿地紀勝
云唐貞觀碑在閬州太霄觀其石光瑩前後可鑿
號透明碑○本志唐漢州刺史房瑄墓碑在縣城
外本傳玄宗幸蜀瑄馳至普安郡謁見玄宗與語
大悅從幸成都加銀青光祿大夫後因陳濤之敗
上元元年改漢州刺史廣德元年卒于閬州僧舍
杜甫詩曰他鄉復行役駐馬別孤墳近淚無乾土
低空有斷雲對碁陪謝傅把劍覓徐君日見林花
落鶯聲送客聞○碑目云唐道襲墓碑在城申

恩寺按蜀檇杙王建以道襲爲閬中刺史改其鄉
爲烈士鄉○崔善德政碑在衙門東按善武成中
爲刺史有惠政民人懷之○閬苑記三十卷宋何
求撰以舊隆苑記爲疎畧乃廣之其後曹無忌又
增二十六卷俱閬中人

蒼溪縣

在府北
四十里

東漢漢昌縣也今縣隋改取蒼溪谷爲名○志云
蒼溪於閬中爲上游卽臨嘉陵水也江岍有放船
亭杜詩送客蒼溪縣山寒雨不開只愁騎馬滑故
作放船回後人因以名亭○元稹蒼溪縣寄揚州

四川名勝志

卷之十一

八

兄弟蒼溪縣下嘉陵水入峽穿江到海流憑使鯉
魚將遠信鴈回時節到揚州劉滄宿蒼溪館云孤
館門開對碧岑竹牕燈下聽猿吟巴山夜雨別離
夢秦塞舊山迢遞心滿地莓苔生近水幾株楊柳
自成陰空思知己隔雲嶺鄉路獨歸春草深文同
少泊蒼溪山寺正午風色高遂泊蒼溪縣層崖抱
林木有寺藏蔥蒨出船步危磴陰密頗縈轉上到
金僊家緣空列臺殿修篁掛懸溜坐覺炎暑變老
僧吐經論言語何貫穿引我上高閣闌干俯江面
寥寥百里內山水盡奇觀誰謂羈旅中所見皆所

願汀洲白鳥聚井邑清烟散樂此暮忘歸踈鐘起
巖畔徙倚下松門尚怪舟人喚○舊治在曲肘川
去縣一里後周所設也源出王女山東南流入嘉
陵江曲折如肘故名○近山有小錦屏與錦屏相
似其稍遠者縣南三十里爲大獲山天池浸其中
宋江遶其下石城四周淳祐間余玠徙閬州治于
此又遠之有方山遠望如几案古方州城也宋嚴
大猷居此因以方山名集○縣東南三十五里雲
臺山寰宇記云一名天柱山高四百丈上方百里
有魚池宜五穀無惡毒可度灾周地圖云漢末張

四川名勝志

卷之十一

九

道陵在此學道使弟子王長趙昇投身絕壑以取
仙桃長等七試已訖九丹遂成郡國志曰雲臺山
天柱巖下有一桃樹高五尺皮是桃心肉似栢張
道陵與王良趙昇試法于此樹四百餘年不朽小
碑記之山有洞四曰麻姑芙蓉平仙峻仙巖二曰
松根蟠桃池二曰浴丹王魚山多榕栢大者空中
可坐數人道經云永壽二年重九日道陵將諸品
秘籙斬邪二劍玉冊玉印授其長子衡乃與夫人
雍氏登峰絕頂白日昇天時百二十三歲晉顧長
輿有畫雲臺山記又有葛稚川像云稚川曾讀書

于此又有元稹遊雲臺山書行記于山之鐘樓枋
上宋之間送田道士使蜀投龍詩云風馭忽泠然
雲臺路幾千蜀門峰勢斷巴字水形連人隔壺中
地龍遊洞裏天願言迴馭日圖畫彼山川馬戴寄
雲臺觀田秀才雪壓松枝拂石窓幽人獨坐鶴成
雙晚來漱齒敲冰渚閑讀僊書倚翠幢宋祁西州
猥藁云予昔遊雲臺觀謁希夷先生陳搏祠堂緬
想其人今追作此詩仙館三峰下年華百歲中夢
休孤蝶往蛻在一蟬空藁笈微言秘宵晨浩氣通
丹遺舐後鼎林遣御餘風市霧沉荒白滄霞委暗
四川名勝志卷之十一
紅岷峨有歸約飛步與誰同元廖寥蜀望詩雲臺
突出衆山低小徑縈紆上石梯古寺獨存人寂寂
斷碑惟覆草萋萋滿空香散春蘭綻萬壑烟生曉
樹迷爲愛其間風景好登臨幾度杖青藜○志云
蒼溪簿金極治道得石塚遺骸尚存有石銘云歲
月不湏論車塵擁石門若逢金主簿移我上高原
迺收葬之相沿爲金主簿墓不著年代

南部縣

在府南
七十里

南部本充國地漢末徙巴西郡于閬中有充國城
在焉寰宇記云卽今新井縣東北二十八里充國

故城是也李雄亂後荒廢至隋復置縣以部分在
罷之南而名○唐書趙彥昭舉進士少豪邁風骨
秀爽嘗調南部尉與郭元振薛稷善往來吟詠不
絕○新井西水一廢縣皆按閩中通志云西水河
在南部三十五里源出龍州後周西水縣以此名
今府城南五十里有西水橋是南部分界○新井
者以縣有鹽井也方輿勝覽云蘭登山在新井縣
東二十里相傳嚴君平隱居于此有朝遊蓬漢暮
宿蘭登之句三面峻絕俯臨西江按西水新井二
縣俱元時省入○本志唐開元中何渙爲殿中侍
四川名勝志 卷之十一 十一

御史知名家于西水明皇賜其鄉爲栢臺鄉○新
井縣有二龍里唐任畹任疇之所居也姓合送任
畹及第歸蜀詩子規啼欲死君聽固無愁闕下聲
名出鄉中意氣遊東川橫劍閣南斗近刀州神聖
題前字千人看不休○崑曰靈雲唐蒲景珣家於
此巖前爲居室至者不知其爲崑也在蟠龍山下
有洞人入之履地作鐘聲李肅詩云路轉層岡十
里餘武陵傳者亦難如昔年煉藥仙人室今日餐
霞道士居洞外蟠桃開錦繡巖前石溜漱瓊瑤倚
與靈氣爲時雨可惜圖經闕不書○樓曰清風天

蒲宗孟左丞建其家多書牘此樓以貯之嘗作訓
戒子弟曰寒可無衣饑可無食書不可一日失○
院曰慈光寇準過新井慈光院看海棠詩暄風花
雜滿欄香盡日幽吟歎異常翻笑牡丹虛得地玉
階開落對君王○縣東南與蓬州相接三十里爲
禹跡山相傳禹治水所經也山頂平行有小石泉
鑿石爲像層樓覆之宋紹興間何汝賢有禹跡山
院記○又二十里爲離堆山卽古新政縣地蜀三
離堆之一也唐顏真卿謫蓬州長史來遊作磨崖
記謂此山斗入嘉陵江直上數百尺形勝竊矗上

崢嶸而下洄洑不與衆山相聯屬故曰離堆山東
西有石堂故京兆尹鮮于仲通與弟叔明所鑿堂
北有盤石石上有九曲流杯池○歐陽修集古錄
云新政縣磨崖記唐顏真卿撰併書以寶應年立
碑有魯公祠宋馬存記云上元中顏真卿爲蓬州
長史過新政作離堆記四百餘言書而刻之石壁
上字徑三寸雖崩壞剝裂之餘而典刑具在使人
凜然元符三年予友強叔來尹是邑始爲公作祠
堂于其側求予文以爲記○輿地紀勝云新政縣
大曆碑在江岍之次傍佛老孔子像像傍又有

二小記皆大曆中物按此所謂三教院也碑目云
鮮于氏兩神道碑一在三教院崖上一在墓田其
文與書皆出顏魯公又有獎諭仲通碑亦在墓田
○志云新政縣十里對江報本院鮮于仲通叔明
兄弟塋其傍有韓雲卿所撰墓碑猶存其字儼然
無剝落按鮮于之後宋時皆家于此景祐間鮮于
洸登第爲轉運判官值行新法而民不擾司馬溫
公稱之曰子駿福星也又有十世孫元卿同知縣
范百祿州掾任昱觀魯公刻題名○仙鳳山在縣
南五十里上有七曲臺始落成時地上土痕成仙
四川名勝志

卷之十一

十三

鳳二字大數丈○碑目云宋新政令裴迥唐丞相
晉公之後也因家于此尚收得晉公像及累任告
身自撰真贊並存按新政唐初之新城縣也後以
隱太子諱改爲新政亦元時省入今之積善鄉是
矣

廣元縣

在府北
二百里

廣元蜀口古今所必爭之地宋寧武軍志云前接
關表後據劍門烏奴山祠堂記云郡壤故錯羗氏
與上庸百濮微髻彭盧俱寔一大都會也元改爲
廣元路有碑云在易曰廣大配天地在春秋謂一

爲元以示張大之意○縣治在烏奴山東晉壽綿
谷二縣皆其處志云烏奴山一名烏龍山在縣西
二里嘉陵江岍岍壁如削有洞不可上昔李烏奴
于此修寺因名○按北史王玄邈傳亡命李烏奴
作亂梁部陷白馬戍玄邈率東從七八百人討之
不克慮不自保乃使人僞降烏奴告之曰王使君
兵衆羸弱棄伎妾於城內携愛妾二人去已數日
矣烏奴喜輕兵襲州城玄邈設伏擊破之烏奴挺
身走太祖聞之曰玄邈果不負吾意遇也○今之
臨清門川主廟卽唐皇澤寺九域志云利州都督
四川名勝志

卷之十一

十四

武士護生武后于此因賜寺刻其真容李商隱利
州江潭詩註感孕金輪乃武則天事也詩云神劍
飛來不是鎬碧潭珍重駐蘭橈自携明月移燈疾
欲就行雲散錦遙河伯軒牕通貝闕水宮帷箔卷
冰納他時燕脯無人寄雨滿空城蕙葉彫葢后母
感漑龍而有孕云○縣北卽黎州城梁大同置後
魏之益州隋之義成郡皆理于此宋唐庚詩黎州
酒貴如金汁解盡寒衣纔一吸○南有刀環山益
州記曰葭萌縣南十里有刀環山赤銅水出焉○
東卽望鄉臺去縣三里武元衡送柳郎中詩望鄉

臺下秦人去卽此○其見諸經傳者曰嶓冢山源
爲漾水卽西漢水也曰潛水出綿谷之龍門山禹
貢岷嶓旣藝沱潛旣道漢書注云潛水從漢中沔
陽縣南流至梓潼漢壽縣入穴中通岡山下西南
潛出今名複水舊說卽禹貢潛水也○曰亂山爲
平蜀廢縣卽利州衛治史記亂侯爵亂山出舞衣
○曰丙穴地在沔水之南出魚肥美詩疏云沔南
丙穴是也○其見諸雜記者曰白馬山寰宇記云
張平子仕漢爲侍中少時學業于此○曰明月峽
晏殊類要云三峽謂巫峽巴峽明月峽也惟明月
四川名勝志

卷之十一

十五

峽乃在此郡界○曰滌溪事林廣記云天下十二
溪有上真廟爲聖真居之滌溪其一也在利州又
云漢江水帝廟爲真龍宮在漢坪石○其驛路有
曰問津志云昔孔明行師于此問津故名按卽古
嘉陵驛也在治西一里後魏嘉川縣設焉唐姚鵠
嘉川驛樓晚望樓壓寒江上開簾對翠微斜陽諸
嶺暮古渡一僧歸函迥雲衝起汀遙鳥背飛誰言
坐多倦目極自忘機文同嘉川道中寄周正孺草
木春深處山川雨過時清住常滿日衰倦敢忘詩
好尚舊若此飄零今北誰爭如畫堂上日日聽

詞又嘉川驛詩嘉川之西過新棧幾里朱欄繞青
壁我行落月尚在水水影照人襟袖白繁英雜綴
修蔓上綠錦纈帶垂百尺清香滿馬去未休賴爾
春風慰行客○鮮于侁爲利州轉運使文與可有
寄子駿運使詩云西鄉巴嶺下嶮道入孱顏使騎
到荒驛野禽啼亂山問民青靄裏訪古白雲間幾
日南城路新詩滿軸還○碑曰黃山谷紀行碑在
嘉川縣靈溪寺運使子駿題以五言曰桐軒竹軒
栢軒巽堂山齋燕閒亭會景堂寶峰亭凡八景其
詩略云金城環雉堞雲屋瞰闐闐雙林聳江右九
四川名勝志

卷之十一

十六

隴覘天外按金城者縣北四里金山是也滌溪環
其右九隴者去邑西二十里山環九十九峰如劍
戟之排列昔高祖駐蹕于此有漢王寨其時司馬
君實范景仁文與可蘇子由皆和有詩溫公年譜
隨其父利州轉運使遊此有祠在焉○南去有望
喜驛今廢元稹詩云滿眼文書堆案邊眼昏侵得
暫時眠子規驚覺燈又滅一道月光橫枕邊李義
山詩嘉陵江水此東流望喜樓中憶閬州若到閬
州還赴海閬州應更有高樓○北爲棧閣道劉禹
錫山南西道新修驛路記云我之提封距右扶風

觸劍閣千一百里自散關抵褒城次舍十有五自褒而南踰利州至于劍門十有七道塗次舍可見于此又云棧閣凌虛下臨含呀層嵯岫絕柎木緝鉄因而廣之限以鈎闌狹徑深陁從而拓之方駕從容棧閣之制亦可想也歐陽詹棧道銘斜根王壘旁綴青泥總庸蜀之道塗統岐雍之康莊○其最險者爲石欄橋程記云自城北至大安軍界管橋欄閣共萬五千三百六十一間惟石欄龍洞二閣著名馮鈐幹田云其他閣道雖險然在山腰亦微有徑可以增置閣道獨惟此閣石壁斗立虛鑿

四川名勝志

卷之十一

七

石竅而架木其上比他處極險沈佺期過蜀龍門閣詩龍門非禹鑿詭怪乃天功西南出巴峽不與衆山同長竇亘五里宛轉復嵌空伏湍煦潛石瀑川生輪風流水無晝夜噴薄龍門中潭河勢不測藻葩垂彩虹我行當季月煙景共春融江關勤亦甚巘岨意難窮誓將息機事煉藥此山東岑參赴犍爲經龍閣道詩側逕轉月壁危梁透滄波汗流出鳥道膽碎窺龍窩驟雨溢溪谷歸雲網松蘿屢聞羗兒笛厭聽巴童歌江路險復未夢魂愁更多聖主幸與郡不敢嫌岷峨杜甫龍門閣詩清江下

龍門絕壁無尺土長風駕高浪浩浩自太古危塗
中縈盤仰望垂線縷滑石欹誰鑿浮梁裊相柱日
眩隕雜花頭風吹過雨百年不敢料一墜那得取
本志縣北十里千佛崖卽古龍門閣先是懸崖架
木作棧而行後鑿石爲仟佛像成通衢矣唐蘇
頴利州北題佛龕記云吾見夫山連岷嶓水合江
池山兮水兮路窮險鬱南望兮此情多吾又見像
法住世于巖之阿百千萬億兮相觀我載琢載追
兮吾匪他伊古昔兮焦呂不懼必忠信兮艱危若
何故吾因空而卽有孰不迴向以檀那行矣些陽

四川名勝志

卷之十一

六

景頽兮翠改色陰風起兮自增波小許公利州
北佛龕前重于去歲題處作詩云重巖載看美分
塔起層標蜀守經塗處巴人作禮朝地疑三界出
空是六塵銷臥石鋪蒼蘚行滕覆綠條歲年書有
記非爲學題橋按龍門山亦云葱嶺山梁州記
云葱嶺有石穴高數十丈其狀如門號爲龍門卽
此龍門東南有玉女山山上有一石穴中若房
宇有玉女八人不出穴前修竹下有石壇風來動
竹掃壇如箒其北有燕子谷中產磬石卽志所稱
石燕山也縣北三十里有大小漫天嶺極高峻

羅隱詩云西去休言蜀道難此中危險已多端到
頭未會蒼蒼色爭得禁他兩度漫高駢詩云萬水
千山音信稀空勞魂夢到京畿漫天嶺上頻回首
不見虞封淚滿衣口嶺上有寺元稹題漫天嶺智
藏師蘭若云僧臨大道閱浮生來往憧憧利與名
二十八年何限客不曾聞見一人行○縣北五十
里爲朝天嶺路徑險絕方輿云舊路在朝天峽棧
閣後開此路人甚便之文與可朝天嶺詩嶺若畫
屏隨峽勢水如衣帶轉崑陰按今設有沙河驛亦
沿江行其曰朝天者水驛也○又四十里爲潭毒
四川名勝志

卷之十一

九

關志云潭下淵底有一鉄索見則兵動向有御前
軍屯此以捍蜀口○又二十里爲神宣驛卽古籌
筆驛也相傳武侯出師駐此唐杜牧詩未安宮受
詔籌筆驛沉思李義山詩魚鳥猶疑畏簡書風雲
長爲護儲胥是也神宣驛者世傳二郎神持劍逐
蹇龍過此因名○又八十里爲九井驛志云琳瑯
九井以琳瑯山出泉九處濺石若琳瑯也碑曰云
九井灘舊時有蝦蟆青牛青翅三巨石伏水爲舟
楫害宋淳熙間利路提刑張曩容募降人冉得者
治械如桔槔狀治鉄爲杵重千五百斤拋擲半空

而下三石俱碎化陰爲夷有碑刻剝落其上爲七盤關乃秦蜀分界處○按縣與利州衛全城利州梁承聖間置沿革所稱寧武軍者宋利州之號也在後魏爲小益在唐爲益昌歐陽詹集有益昌行卽此志云自城已南純帶巴音出城已北襟以秦語

昭化縣

在府北
四百里

昭化舊屬利州利州蓋嘗稱昭武者宋開寶初敕改今名寔古葭萌白水地也按葭萌今人廣元而其縣理在漢爲漢壽晉爲晉壽者則屬昭化本志

四川名勝志

卷之十一

二十

云縣北百八十里施店驛卽古葭萌驛驛卽故縣址也未通保寧路時自秦入蜀罔有不由昭化者唐張說再使蜀道詩云眇眇葭萌道蒼蒼褒斜谷煙霞爭晦深雲山共重複古來風塵子同眩望鄉日芸閣有儒生輶車倦馳逐青春客岷嶺白露搖江服歲月鎮羈孤山川俄反覆魚游戀深水鳥遷戀喬木如何別親愛坐去文章國蟋蟀鳴戶庭蟪蛄網琴筑○北接廣元則龍門石櫃白水景谷之地互相參錯海內東經云白水出蜀而東南注江郭景純註水微白濁今在梓潼白水縣源從臨洮

之西傾來經沓中東流通陰平至漢壽縣入潛梁
州記云城西南百八十里白水關卽李固解印綬
處也蜀志先主斬楊懷高沛于此○元和郡國志
云景谷縣西南二十五里有白馬山孔明造木牛
流馬處○南接劍門有大劍城元和志云卽秦張
儀司馬錯伐蜀所由路又謂之石牛道有小劍城
注水經云小劍城去大劍城三十里連山絕險飛
閣通衢故謂之劍閣也是唐益昌縣地矣又有小
劍故城在益昌縣西南五十里其山截野橫天犇
峰倒地挾楚包漢呀秦擁蜀劉先主以閣道至險
四川名勝志

卷之十一

十一

置閣尉焉岑參和杜相公發益昌詩相國臨戎別
帝京擁麾持節遠橫行朝登劍閣雲隨馬夜渡巴
江雨洗兵山花萬朶迎征益川柳千條拂去旌暫
到蜀城應計日須知明主獨持衡○劍嶺中有馬
鳴閣三國志云先主使陳戒絕馬鳴閣魏武聞之
喜曰此閣過漢中之陰平乃咽喉之要路○又有
白衛嶺唐明皇幸蜀過此見玄元皇帝騎白衛而
下示取祿山之兆遂封嶺神白衛公唐詩紀事載
明皇幸蜀登白衛嶺眺覽良久憶李嶠詩山川滿
目淚沾衣富貴榮華能幾時不見只今汾水上惟

有年年秋鴈飛歎曰李嶠真才子也○有桔栢潭
今栢林驛是驛多古栢土人呼爲桔栢故以名潭
志云桔栢渡舊傳其津有二魚負舟往往沉溺一
道士求渡操舟者難之道人曰吾乃葛仙翁也命
取石書符令舟人佩之至中流二魚果出擲符水
中少頃浪息次日二魚死于龍瓜灘下按唐書玄
宗幸蜀次益昌縣渡桔栢江雙魚夾舟而迎從臣
以爲龍云杜甫桔栢渡詩青冥寒江渡駕竹爲長
橋竿濕煙漠漠谷吹風瀟瀟連竿動嫋娜征衣颯
飄飄急流鴝鷓散絕岸龜鼉驕西轅自茲異東逝
不可要高通荆門路濶會滄海潮孤光隱顧盼遊
子悵寂寥無以洗心甯前登但山椒